

تحفة المتضرر عين في التوسل بأسماء المفضلين للشيخ
أحمد بامبا الت ضرع

KEEWEB ÑIY TOROXLU CI KANAMU
YÀLLA DI KO DAGAAN TE



TUHFATUL MUTADHARRIHINA



KI KO TAALIF CI ARAAB : CHEIKH AHMADOU BAMBA

KI KO TEKKI CI WOLOF : CHEIKHOUNA LO N'GABOU

DATE : SEPTEMBRE 2014

تحفة المتضرعين في التوسل بأسماء المفضلين

للشيخ أحمد بامبا الت ضرع

Tuhfatul mutadharrihina

Xéewël gu ñu may ñi ami soxla *yu ñu manut a ñakk*
ba mel ni ab liir ca bttub ndey ja.

Mu làmboo taasu (*sàkku ci daray*) ci barkeb gaaya
gën a baax.

1-Maa ngi sant Yàlla di ko ñaan muy dolli xéewël
gu sax dàkk ca ka nga xam ne moo nu feeñalal
te indil nu ag njub. Mook Saabaam ya amoon
lool mayug Yàlla.

2-Koo ku mooy sunu sang ba Muhammad.

3-Tay jii maa ngi ñaan *sama boroom* di taasu ci
turi gaaya gën a baax.

4-Ma wax ne: yaw Yàlla miy ku jege, di kuy
tontu di wuyu Yàlla na nga julli ci Yonnent bi
nga xam ne bala ngaa zuyu kenn dafay fekk
koo ka nangul ko te wuyu ab wooteem.

5-Ci barkeb Yonnent bi na nga ma nangul sama
way wii yaw Yàlla jiyl ku tedd yéwén. Te yit
quépp ku ko jël di ci dééyaaleek yaw na nga ko
may defal ko lépp la mu cay sàkku.

- 6- Maa ngi lay ñaan nga Jéggal ma samay
bàkkaar te fegal ma **Saytaane**, ci barkeb **Nuuh**
ak **Ibraayma**
- 7- Fegal ma aw tiis aki naqar àddina ak àllaaxira
ci barkeb **Muusaa** ak **iisaa**
- 8- Maa ngi lay ñaan nga julli ci **Muhammad** miy
Yonnentub Yàlla bi julliwaale ca Yonnent ya
Uluhazm.
- 9- te nga may ma **Liimaan ngëm Lislaam jëfé** ak
Lihsaan rafetal, Tasawuf.
- 10- Maa ngi lay ñaan nga may ma ag sellal, ak
tawfiiq *dëppok lépp lu baax* ci barkeb **Abubakr**
Siddiq ma doon dëggal Yonnent bi, ak **Umar**
ma doon teqale dëgg ak neen.
- 11- Ci barkeb **Usmaan** ma dencoон soxna
ñäari leer ya *ñäari doom yu jigéén ya*, ak ci
barkeb **Aliyu** ma doon baayi ñäari sëti
Yonnent bi.
- 12- Ma ngi lay ñaan nga may ma leer akug
kowe aki xeewël ci àddina ak ca àllaaxira.
- 13- Maa ngi lay ñaan nga musël ma ci ay lor Ci
barkeb **Talhata ibn Ubaydalla**, ak **Zubayr ben**
awaam, ak **Saad ben abiwaqaas.**

- 14- Maa ngi lay ñaan nga musël ma ci fitna
sanje ci barkeb **Sahiid ibn Zayd**, ak
Abdaramaan ibn Awf.
- 15- Maa ngi lay ñaan nga ñoddil ma lépp luy
mana jariñ, te fegal ma lépp luy mana alak.
- 16- Ma ngi lay ñaan ci barkeb **Abdala ibn Abas** *doom-bay tax ba* nga may ma xam-xam
bu bari.
- 17- Maa ngi lay ñaan ci barkeb **Abdala ibn Umar** nga fegal ma lépp luy ñoddi lor.
- 18- Maa ngi lay ñaan ci barkeb **Ibnu-masuud**
ak **Ibnu-salaam** nga fegal ma nattu *mbas* ak
ayu bët ak *ayu wax*.
- 19- Yaw sama boroom maa ngi lay ñaan ci
barkeb **Abaas** ak **Amza** nga fegal ma bépp tar-
tar.
- 20- Maa ngi lay ñaan ci wormay **Asan** ak
Usaynu nga tabe lool ci man àddina ak
àllaaxira may ma ñaari leer ya.
- 21- Maa ngi lay ñaan ci wormay **Xaasim** ak
Taayir nga sellal sama biir ak sama bitti .
- 22- Maa ngi lay ñaan ci wormay **Tayyib** ak
Ibraayma nga saxal ci man mbégté ak ñu di
ma teral.

- 23- Maa ngi lay ñaan ci darajay **Faatimatu** nga feral sama bakan ci lépp luy waral ag tēj *kaso*.
- 24- Maa ngi lay ñaan ci wormay **Ruqayya** ak **Zaynabu** nga fegal fàww ak dàkku ak kiiraay.
- 25- Maa ngi lay ñaan ci wormay **Umu-kulsuum** nga jubale ma ak teraanga fegal ma mbugal ci àddina ak àllaaxira.
- 26- Maa ngi lay ñaan nga nangu sama wax jii *ñaan gii* ci wormay **Aws-ben-aamir** ak **Haram** ak **Masruuq**.
- 27- Maa ngi lay ñaan ci wormay **Rabii** ak **Aswad** nga may ma **Listiqama** te jubbanti sama mbir.
- 28- Maa ngi lay ñaan ci wormay **Aamir-ben-abdurahmaan** ak **Abu-maslamatal-xawlaani**.
- 29- Nga may ma ag njéggal akug texe akub xam-xam ak jéfé akug jaamu-yàlla.
- 30- Maa ngi lay ñaan ci wormay **Asan-basri** nga may ma ag sàmmu akug set wecc ba mel ni kuñu fees ci bànnex aki bidaa.
- 31- Maa ngi lay ñaan ay xééwal ci wormay **Abu-huryrat** ak **Bilaal** ak **Suhaybu**.
- 32- Maa ngi lay ñaan ci wormay **Abu-dardaayi** nga nangul ma topp gii ma lay topp te nga

saafara ma ci jépp jàngoro ju feeñ ak ju
nëbbu.

- 33- Maa ngi lay ñaan nga jotale ma ci samay jubluwaay ci wormay **Miadaad** ak **Xaalid** ak **Zubayru**.
- 34- Maa ngi lay ñaan ci wormay **Amiirul-muuminiina Umar** nga fegal ma ay pexe, akug texeedi akug woru *fakku*.
- 35- Maa ngi la koy ñaan it ci wormay njiital jihaadkat yi **Aliyu** ma daan taxawu diiné ji.
- 36- Maa ngi lay ñaan ci wormay **Saad** ak **Urwa** nga dolli g jafandu ci buum gu gën a dëgér ga.
- 37- Maa ngi lay ñaan ci wormay **Xaasim** ak **Xaarija** dolli ma ci xeñtu tërëiilni **Yonnent bi**
- 38- Maa ngi lay ñaan ci wormay **Abu-bakr** ak **Abdul-laahi** dolli ma ay ngënénéél yu dootul jeex.
- 39- Maa ngi lay ñaan ci wormay **Sulaymaan** nga dimbali ma fegal ma pexam Saytaane ak feneen fu pexe man a jògé.
- 40- Maa ngi lay ñaan ci wormay sunu yaay **Xadija** nga may ma lépp lu may mébét ci xam-xam aki térggiin ak jëfé ko.

- 41- Maa ngi lay ñaan ci wormay sunu yaay
Aysa nga fegal ci lépp lu may lor ci asamaan si
ak suuf si.
- 42- Maa ngi lay ñaan ci wormay sunu yaay
Afsa nga dox fàww sama digante ak lépp luy
ñoddi aw tiis aku naqar.
- 43- Maa ngi lay ñaan ci wormay sunu yaay
Zaynabu nga rafetalal ma sama biir ak sama
biti.
- 44- Maa ngi lay ñaan ci wormay **imaam-**
Maalik ak **imaam-saafii** ak **imaam-abu-anifa**
ak **imaam-ahmad-ben anbal** nga nangul ma
samay *ñaan* .
- 45- Maa ngi lay ñaan ci wormay **Jibriil** nga
may ma li may ñaan te nga def ma ma jot sëkk
dayob goor ña.
- 46- Maa ngi lay ñaan ci wormay **Miikaayil** nga
may ma ay xééwal te def ma ma ame njariñ ni
waame wuy dët *ab taw*.
- 47- Maa ngi lay ñaan ci wormay **Israafiil** nga
may ma ag ñoŋ sammu, te nga fegal ma tiisi
bisub jaaxle ba.

- 48- 28 154 172 Maa ngi lay ñaan ci wormay
Asraayil nga defal ma njekk lu rafet sama
giirug dund ak ginaaw bu ma faatoo.
- 49- Maa ngi lay ñaan sama xasidag tawassul
gii képp ku la ci woo di la ñaan na nga ko ci
defal texeg àddina ak àllaxira te it na nga ko
jéggal.
- 50- Maa ngi lay ñaan nga may ma ci kòòluté
ak ngëram man ak ñi sàkkuwoon may way ko.
- 51- Te nga may nu ci it texe ak kaarange akug
topptoo ba nu mucc ci wépp ñaawtééf.
- 52- Te nga may nu ci it nu mucc ci laajub biir
bàmmeel, mbugël, sukraatus nde, regleente.
- 53- Te nga may nu ci it mbégté ak ségaré
waxtu wa nuy dee ak ba nuy dekki.
- 54- Te nga julli ci Yonnent bi dolli koy xeewël
te musël ko moom aki Saabaam yu baax ya.
- 55- Maa ngi lay ñaan ita nga jéggal sama ñaari
wayjur ak samag njabppt ak samay
àndanadoo.
- 56- Maa ngi lay ñaan it nga jéggal mbooleem
ku aju ci man, te it nga wéralal ma samag texe.
- 57- Maa ngi lay ñaan nga ñewenti nu, may nu
kàttan, nekkal nu, defal nu mujj gu rafet.

58- Yàlla na nga julli ci Yonnent bi dolli ko
xéewël te fajal ci jullit yépp sééni aajo.

Bamako 11H 48 , 22 sep 2014,